

Kereke le Thuto



SABATHA THAPAMA

Bakeng sa Thuto ea Beke ena Bala:

Luka 10:30–37, Matt. 5:14–16, Luka 4:18–23, Jer. 29:13, Matt. 7:7, 1 Bathess.2:6–8.

Temana ea Khopolo:

“Le hona ha rea ka ra batla poko ho batho, leha e le ho lona, le hae le ho ba bang; leha re ne re lokela ho ipeha boholo, ka hobane re baapostola ba Krete. Empa re bile mosa hara lona, joaloka moanyisi ha a hlakomela bana ba hae ka lerato. Ka mokhoa o joalo, ka baka la ho le rata, re le elelitse hore re tla le nea evangeli ea Molimo feela, empa le eona meea ea rona, ka hobane le le baratuoana ba rona ruri” (1 Bathesalonika 2:6–8).

Ho tloha mehleng ea pele-pele ha ba tšepahalang ba khobokana ho khumamela Molimo—masinagogeng, malapeng, le likerekeng—Bibele e bontša batho bao, ka boithuto ba bona ba Mangolo le ka khumamelo ea bona, ba nyoretsoeng ho tseba Molimo le ho utloisisa thato ea hae maphelong a bona. Hape Bibele e boetse e lutse e pheta-pheta hore kereke ke sebaka seo lipuisano tsa sebele tse hlokehlang li tlamehang ho etsetsoa teng, le moo batho ba ka holang tsebong ea bona ea Molimo le thato ea hae maphelong a bona. Ka nako tse ling re tšaba ho botsa lipotso. Leha ho le joalo, ka Bibeleng, re lula re bona hore lipotso li ne li sebelisoa ho etsa hore batho ba utloisise Molimo betere. Ka tsela e tšoanang, lipale lia sebelisoa ka Bibeleng ho etsetsa batho menyetla ho nahana ka boinehelo ba bona. Jesu o ne a tsepamisitse maikutlo mofuteng ona oa thuto ha a ruta baratuoana le balateli ba hae. Haeba kereke e tla ba sebaka sa thuto, e tlameha ho fana ka sebaka sa lipuisano tse hlakileng. Hantle joalokaha re lula re bolelloa sekolong, “ha hona potso e se nang kelello,” re tlameha ho fana ka tikeloho e bolokehileng ka kerekeng hore motho e mong le e mong a hole mohaung le kutloisisong ea Molimo le leano la hae ka maphelo a rona.

**Ihute Thuto ea Beke ena ho lokisetsa Sabatha sa, 28 Pulungoane.*

Thuto ea 'Nete ea Bokreste

Ho na le pale ea rabi eo e itseng h'a sheba mahlo a tletseng boroko a mohlankananyana ea neng a lutse ka sekolong, a ileng a botsa: “Bana baka, motho o tseba neng hore bosiu bo sele e se e le hoseng?” Boholo ba barutoana ba phahamisa matsoho butle. “Rabi,” e mong a botsa, “ha se u khona ho hlalohanya lipakeng tsa sefate sa feie le sa mohloare?” “Che.” E mong oa barutoana a phahamisa letsoho: “Rabi, na ha se ha u khona ho hlalohanya pakeng tsa nku le poli?” Kamora ho mamela likarabo tse 'maloa, tichere ea re, “Bana ba ka, motho o tseba hore bosiu bo sele letsatsi le chabile ha e kare ha u sheba sefahleho seo u e-so se bone e be u bona motho eo u sa mo tsebeng e le ngoaneno. Ha feela ho se joalo, ha ho khathalehe hore na letsatsi le khanya hakae, e ntse e le bosiu.”

Bala Luka 10:30–37. Jesu o ne a etsa ntlha efe ka pale ee? See se lokelaa ho re bolellang malebana le se tlamehang ho ba karolo ea thuto ea Bokreste?

Re le Baleti ba Masala, re hlohonolofalitsoe ka khanarehali ea leseli la Mangolo le 'nete (boemo ba bafu, Sabatha, 1844 le kahlolo, ntoea e kholo, ho etsa mehlala ea tse 'maloa) tseo boholo ba lefatše bo sa utloisiseng. Leha ho le joalo, leha linnete tsena li le bohloko hakaalo, lii re tsoela molemo ofe haeba re se mosa ho bbatho, haeba re khesa ba bang, le haeba re lumella litšekamelo tsa meetlo e re pota-potileng ho re qobella ho nka ba bang ba le ka tlasana ho rona? Thuto ea 'nete ea Bokreste, haeba ho se ho hong, e tlameha hore etsa hore re be kaholimo ho ntho tse makatsang, tse khopo tsena tse etsoang ke batho, 'me re bona ba bang joalokaha Krete a ba bona kateng, batho bao a ba shoetseng, batho bao a jereng libe tsa bona sefapanong, batho bao a ba lefeletseng theko e sa feleng. Haeba re phahamisa sefapano, joalokaha re lokela ho etsa, joale re tla bona boleng le bohlokoa ba motho e mong le e mong, e be, re ba etsa kamoo ba tlamehang ho etsoa kateng, re boloka boleng boo Molimo A bo behileng ho bona. Thuto ea Bokreste e tlameha ho kenyeletsa thuto ena, hoseng joalo, ha e lokeloe ke lebitso lena “Bokreste.”

Ke litšekamelo life tse rutoang ke meetlo le sechaba seno, tse rutoang ka boomo kapa ese ka boomo, tseo u le Mokreste o lokelang ho li phahamela?

Ho Bitsetsoa Ho Phela E Le Leseli

Hohle moo re shebang teng, ho bonahala e ka lefatše la rona e ea itlhasela, e nka lefifi bakeng sa leseli. Empa re boetse re kopana le lefifi haufi le rona ha re nahana ka maiphihlelo a rona lefatšeng lena le thata. Hobane le rona, re utloisisa masisa-pelo ao re a tlišetsoang ke bophelo bona ha re loana le bokulo,, ha re sebetsana le ho amohela ho arohana le baratuoana ba rona, ha re shebella malapa ha a qetella a arohana le ho hlalana, le ha re loana le ho ka utloisisa bokhopo bo tletseng hohle hara rona. Empa le hara letlaburu lena la bohloki ba boitšoarole le lefifi la semoea, hara lerata lena la ka hare le ka ntle, re utloa mantsoe a Jesu ho e mong le e mong oa rona:

“Le leseli la lefatše. Motse o beiloeng holima thaba, ha o na ho patoa. Lebone le lona ha le hoteletsoe ho kengoa ka tlasa morula, empa e le ho hlongoa kandelareng, le tle le bonesetse bohle ba leng tlung. Leseli la lona le ke le khayetse batho joalo, ba tle ba bone mesebetsi ea lona e molemo, 'me ba rorise ntat'a lona ea maholimong” (Matt. 5:14–16). Ke sefe seo litimana tsee li re rutang sona malebana le kamoo re lokelang ho phela kateng le, le hore na ke joang, re le Bakreste, seo re se etsang se bang e tšusumetso mokhoeng oo ba bang ba bonang Molimo ka oona?

Ha a lutse lebopong la leoatle la Galilee lebatameng le chesang la letsatsi, e be bamameli ba Jesu ba ile ba utloisisa mantsoe aa a Jesu joang? Ba mameli ba hae ba ne ba tseba sohle ka leseli le lefifi. Ba ne ba phela tlasa puso ea Roma, sechabeng sa ntoa soe, ntle hore se ne se se na lifono-fono le likhomputara le inthanete, ba ne ba sebetsa hantle joaloka rona, ebile nthong tse ling ba ne ba tšosa.

Baroma ba ne ba tletse hohle, ba hopotsa matšoele a leralleng hore ba manganga ba tsebe ba betla ea tsela ea bona e eang tlhokofatsong—le lefung le lebe sefapanong sa Maroma. Leha ho le joalo, Jesu ke enoa, o re ba phele e le maseli. Ba be mohau. Ba hloeke lipelong. E be baetsi ba khotso. Thuto ea Bokreste, ka hona, e tlameha, ho ruta barutuoana hore e be maseli a lefatše, hore ba khone ho ikhethela le ho iketsetsa liqeto tse tla senola bonnete le botle ba Molimo ho ba bang.

Tse ling tsa litsela tseo, haele hantle, re ka supisang ba bang bonnete le botle ba Molimo?

Ho Phela e le Barutuo

Haeba kereke e tiile ka ho ba mochofane oa thuto ea Bokreste, re tlameile ho qala ka Jesu. Jesu o ile a bitsa barutuo. A ba ruta ho etsa thomo ka ho tsamea le bona. Jesu O ile A ba etsetsa monyetla oa hore ba be le seabo maphelong a batho bao ba neng ba tla ba hlokomela le ho ba rata. 'Me Jesu A ba qholotsa tsatsi le leng le le leng ka pono ea hae ea kamoo lefatše lena le ka bang kateng ha batho ba ka tšoarana joaloka baena le likhaiseli.

Bala Luka 4:18–23. Molaetsa oa Krete ho rona bohle ke ofe, re le balateli ba hae?

Barutuo ba ile ba shebella Jesu, tichere ea bona, o ile a phela litšia tsa—litšia tse ileng tsa phatlatatsoa therong ea pele ka sinagogeng ea Nazaretha. Tšoarelo, mohau, le lerato li ne li tsamaea 'moho le ho ba motoai-toai, boithukhubetso, le mathata. Haeba ho ne ho e na le thuto e ka ithutoang, e n'e le thuto ea hore borutuo ha se ntho'eo motho a ka saohang ka eona. U morutuo, oa bophelo bohle, eseng oa letsatsi feela.

“Thomo ea Mopholosi ho barutuo . . . e kenyeletsa balummeli bohle ho isa qetellong ea nako. . . . ho bphe bao tšusumetso ea leholimo e ba apesitseng ba tšepeloa evangeli. Bohle ba amohelang bophelo ba Krete ba behoa matsoho hore ba sebeletse pholoho ea bana ba bo bona. Kereke e thehetsoe mosebetsi ona, 'me bohle ba inkelang boitlamo ba eona bo halalelang ba ikanela ho ba basebetsi 'moho le Krete.”—Ellen G. White, *The Desire of Ages*, leq. 822.

Joaloka barutuo ba Jesu, le rona kajeno re tlameha ho etsa bonnete ba hore Jesu ke khubu ea khumamelo le setsoalle sa rona. Ke ntho'e ntle ho hopola hore Jesu ke eena ea qalileng borutuo. Leha bo Rabi ba mehleng eo ea hae ba ne ba hohela barutuo, ke Jesu ea ileng a bitsa banna le basali hore ba mo latele, bo rabi ba ne ba keke ba nahana ka pitso e kana kana, eleng se bontšang hore ho ba le Jesu ho ne ho le bohlokoa ho feta melao eohle ea bona. Hape, re le barutuo ba Jesu, hase hore re hlompheoa ke batho bohle feela, empa re tla boela re sebeletse ho etsa sebaka seo bohle ba ka holang.

Ka hona, thuto eohle ea Bokreste e tlameha ho kenyeletsa thomo ena, sepheo sena, eseng feela ho iphelisa empa ho etsa seo Jesu a re bitsetsang ho se etsa: ho latela mehatong ea hae ea ho sebeletsa bahloki, le ho arolelana litaba tse monate tsa evangeli.

Ho Batla 'Nete

Albert Einstein, ea nkuoang e le ntat'a fiziks ea mehleng ena, o ngotse: “Nth’oa bohloko ke ho emise ho botsa. Thahasello e na le lebaka la ho ba teng. Haho seo motho a ka se etsang ntle le ho hlolloa ha a nahana ka meeka ea bosafeleng, bophelo, popeho e hlollang ea ’nete. Ho lekane, haeba motho a leka ho utloisisa bohashananyana ba sephiri sena letsatsi ka leng. Se lahle thahasello e halalelang le ka mohla.” Re phela lefatšeng la sephiri, na ha ho joalo? Saense ea morao-rao e re bontšitse mehlolo ena ea haesale e teng nthong e ’ngoe le e ’ngoe e teng. ’Me ebang e joalo bakeng sa ntho tse bonoang feela, e be joale ho tsa semoea tse sa bonoeng tengg?

Ke sefe seo litemana tse li re rutang sona ka ho batla likarabo tsa ’nete? Jer. 29:13; Matt. 7:7; Liketso 17:26, 27; Lipes. 25:5; Johanne16:13; Johanne17:17.

Bibele e tletse lipale tsa batho ba nang le lenyora la ho tseba hantle joalo ka ba bang ba rona—banna le basali ba nang le lipotso, matsoalo, tšepo, thabo, batho ba batlang ’nete ka tsela tse itseng, ba batlang likarabo bakeng sa lipotso tse thata tsa bophelo.

“O entse tsohle li le ntle nakong ea tsona. E bile o behile lefatše lohle pela bona, hore ba lemohe litaba tsa lona; leha ho le joalo, haho motho ea utloisisang mesebetsi e entsoeng ke Molimo, ho qala qalong ea eona ho isa qetellong ea eona” (Moeklesia 3:11, NKJV). Salemone o bolelang moo? Ba bang ba fetolela lentsoe la Seheberu ‘olam e le “bosafeleng” ba bang ba re “kutloisiso ea se fetileng le se tlang.” Joale, ka hona, ho ea ka temana ena, Molimo O behile ka pelong le kelellong ea motho, bokhoni ba kutloisiso ea se fetileng le se tlang. Ke hore, re le batho, re khona ho nahana ka se bitsitsoeng “lipotso tse kholo” ka bophelo le boteng ba rona ka kakaretso. Hape, ehlile, mona ke moo Mangolo a bapalang karolo ea bohlokoa. Re bo mang? Hobaneng re le moo? Re tlameha ho phela joang? Tsena ke lipotso tseo litsomi tsa ’nete e sale li libotsa ho tloha qalehong ea histori. Ke boikarabello le monyetla o mo ka kang, hore e be re ka khona ho supisa litsomi tsena tse ling tsa likarabo kajeno. Thuto ea Bokreste ke eng haeba e sa ise batho likarabong tsee, joalokaha li fumanoa lentsoeng la Molimo?

Hobaneng Mangolo a tlameha ho bapala karolo e kholo ho arabeng lipotso tse kholo bophelong?

Ho Arolelana Maphelo a Rona

Bala 1 Bathesalonika 2:6–8. Paulosi o reng moo ka seo re ka, kapa re tlamehang ho se bontša likolong le likerekeng tsa rona?

Re tobane le ho soahlamana ha sechaba sa rona, re phela nakong eo kutloisiso ea kereke ho ea ka Bibe e esong ho be le moelelo ho feta kajeno. Joalokaha Matheu 18:20 e re hopotsa: “Hobane moo ba babeli kapa ba bararo ba kopaneng teng ka Lebitso la ka, le 'Na ke teng hara bona.” Pono ea Testamente e Ncha ea kereke le motse li leng sona, e nkile sebopelo seo malapeng a balumeli. Ke hona mona moo malapa a neng a kopana ka lihlotšoana, ba rapela, ba bina, ba ketekela selallo, ba ithuta le ho arolelana mantsoe a Jesu.

Lihlopha tsena tse khumamelang li boetse tsa fetoha likolo tsa pele tsa kereke, joalokaha e ne e le sebaka seo balumeli ba bacha ba tsebisang Bibe le bphelo bona bo bocha bo fumanoang ho Jesu. Lingoloa tsa Paulosi, tse kang Baroma 12:2, “Hape le se ke la ipapisa le lefatše lena, le mpe le fetohle ka nchafalo ea kelello ea lona” li supa hore kereke e ile ea nka mosebetsi ona oa thuto ka tieo.

Balumeli bana ba pele ba ile ba phakisa a lemoha hore ke ha ba le 'moho ba ka phelan evangeli ka nepo. Ha re le 'moho re na le lebaka la ho binela holimo, ho rapela ka matla, le ho khathalla le ho utloela bohloko haholo. Ha re utloa ha ba bang ba buoa ka botle ba Molimo, re nahana ka moo A bileng motle kateng ho rona; ha re phetelana ka lintoa le ntho tse re utloisang bohloko, re utloa pholiso ea Molimo maphelong a rona, 'me re utloa tšantjello e nchafetseng ea ho ba lisebelisoa tsa mohau le pholiso ea hae.

Litemaneng tsa kajeno, Paulosi o tiisa hore evangeli ea Molimo ke sohle: matla a sefapano, tsoho ea Morena, tšepiso ea ho khutla hoa hae. Ho ne ho se litaba tse betere lefatšeng lohle, 'me Paulosi a qeta bophelo ba hae a nyatsua, ka baka ho arolelana pale ea Jesu le ba bang ka mokhoa o hlomphehang le boitelo.

Empa, mona Paulosi ke enoa o re molaetsa oa evangeli, o ka utloisisoa hantle, oa ba le maiphihlelo a oona hantle, ka mosebetsi oa ho arolelana bophelo 'moho. Ha rea tlameha ho lebala hore batho ba lutse ba shebile hore na maphelo a rona a bontša molaetsa oa mohau o fumanoang o fumanoang ka Bibeleng.

Nahanisisa ka bophelo ba hau ka botebo, u ipotse: ke paki e joang ho bao ke phelang le bona?

Tsepamisa Maikutlo:

“Kreste O ile a nyatsa tšepo ea ho ba moholo lefatšeng. Thutong ea thabe o lekile ho fetola mosebetsi o tlisisoeng ke thuto ea bohata, le ho fa bamameli ba hae kutloisiso e nepahetseng ea ’muso oa hae le semelo sa hae. Empa h’a ka a etsa tlhaselo e otlolohileng ea liphoso tsa batho. O bone masisa-pelo a lefatše a tlisisoeng ke sebe, empa h’a ka a ba a pepesa bokhopo ba lona. O ba rutile se neng se le betere ho feta seo ba neng ba se tseba. Ntle le ho hlasela kutloisiso ea bona ea ’muso oa Molimo, o ba boleletse tse hlokehang bakeng sa ho kena moo, a ba siela hore ba iketsetse liqeto hore na o joang. Linnete tseo A li rutileng li bohlokoa ho rona hantle joalo kaha li ne li le bohlokoa balateling ba hae. Le rona re hloka ho ithuta metheo ea ’muso oa Molimo hantle joaloka bona.”—Ellen G. White, *The Desire of Ages*, leq. 299.

Lipotso tsa Lipuisano:

1. Robert Louis Stevenson o hlaketse Edinburgh, Scotland, ka 1850. Stevenson o pheta ka kamoo ka bosiu bo bong, nakong eo motho ea salang le eena a mo lokisetsa ho mo robatsa, a ileng a qekotsa fesetereng ’me a bona pono e babatsehang. E n’e le ntho’e mokhantši oa mabone, a tloha leboneng lena ho ea ho lane. Ka bongoana, a hoelehetsa motho ea salang le eena ka thabo a re, “Bona monna eane! O etsa masoba lefifing!” Uena Molimo O u file karolo efe ho tliseng leseli le lerato sechabeng seo u phelang ho sona? Haeba u sena bonnte, mema litho tse ling tsa kereke le buisane ka tseo le ka li etsang ’moho.
2. Haeba kereke e lokela ho etsa seahlolo le Molimo hore e fihlele lefatse, re tlameha ho rata mantsoe le bosebeletsi ba Jesu. Bona bonnete ba Molimo-motho, Molimo O tllileng ho rona, ho phela le rona lefatšeng, ho sotleha, ho tšeka le ho lla le rona—e re hopotsa hore re bitsetsoa ho hlokomela ba re pota-potileng. U tla etsa see joang? U ka kenyeletsa bacha ba kerekeng ea hau joang ho thusa ho etsa mosebetsi oo?
3. Nahana ka boikarabello ba hore, re le Baleti ba Masala re lokela ho ruta ba bang linnete tse babatsehang tseo re li fuoeng. Kereke ea lehae e ka nka karolo efe ho ruteng linnete tsee ho ba bang? Ka ho tšoana, ke joang kereke e ka bang sebaka se bolokehileng ho bohle ba batlang ho botsa lipotso tse thata ka bona? U ka etsang ho etsa tikoloho eo lipotso tse matla li ka arajoang?
4. Ka sehlopheng, buisanang ka litšekamelo tse teng sechabeng sa lona. Tse ling tsa litsela tseo kereke e ka rutang ba bang ho phahamela litšekamelo tseo le ho li latela, empa ba latele lithuto tsa Mangolo?